



醫書六種

蘭臺軌範

十一

武
170
11



武
卷

武
170
卷



卷七湯方目

小金丹方

還魂湯

又方

外臺走馬湯

雄黃粉

治瘟方

辟温殺鬼丸

八毒赤

丸以上痰瀉鬼疰茵陳蒿湯

消石礬石散

梔子大黃

湯 桂枝加黃芪湯

猪膏髮煎

茵陳五苓

散 大黃消石湯

麻黃醇酒湯

黃疸方

赤苓散

寒水石散

女勞疸

牛疸煎

救急三十種黃方

療黃疸方

近效瓜蒂散

麻黃連翹赤小豆湯

黃芪芍藥桂枝苦酒湯



足立
藏書
印

以上諸疽 半夏秫米湯 半夏麻黃湯 桂枝救逆湯

黃連阿膠湯 酸棗仁湯 溫胆湯 治

多忘 枕中方 鎮心省睡益智方 療虛煩

不可攻方 以上情志卧夢 補腎治五疔方 菴蓉丸 麝

香佛手散 磁石猪腎羹 通耳法 以上耳 七寶散

去醫方 補肝丸 磁味丸 石斛夜光

丸 羚羊角散 蠟花散 洗眼藥 以上目 通草

散 鼈鼻方 消鼻痔方 凌霄花散 蒼

耳散 治鼻淵方 又方 又方 鼻中瘰

肉 以上鼻 口甘方 口苦方 療口瘡 推頰車

法 口氣鼻穢方 口中臭方 口香去臭方

治緊唇方 又方 塗唇方 刺舌治

療舌腫方 療舌腫方 療重舌 療舌脹

方 療舌腫脹 治失音 療馬喉痺 琥

珀犀角膏 喉腫刺法 口傍惡瘡方 敷面

靨方 又方 止牙痛方 治牙痛仙方

治牙疼方 如神散 細辛散 以上口齒

蘭臺軌範卷七

吳江徐靈胎洄溪著

男 熾興和校

疫癘鬼疰

素問

遺篇刺法論黃帝曰余聞五疫之至皆相染易無問大小
 病狀相似不施救療如何可得不相移易者岐伯曰不相
 染者正氣存內邪不可干避其毒氣天牝從來天牝內經
 注云鼻也
空虛能受天地之氣故
曰天牝欲其來往出入
 復得其性氣出於腦即不邪干氣
 出於腦即先想心如日欲將入於疫室先想青氣自肝而

出左行於東化作林木次想白氣自肺而出右行於西化作戈甲次想赤氣自心而出南行於上化作焰明次想黑氣自腎而出北行於下化作水次想黃氣自脾而出存於中央化作土五氣護身已畢以想頭上如北斗之煌煌然後可入於疫室又一法於春分之日日未出而吐之又一法於雨水日後三浴以藥泄汗

病源

一歲之內節氣不和寒暑乖候或有暴風疾雨霧露不散則民多疾疫無長少卒皆相似如有鬼厲故云疫癘

中惡 精神衰弱為鬼神之氣卒中之卒然心腹刺痛悶

亂欲死凡卒中惡腹大而滿者診其脉緊大而浮者死緊細而浮者生 又中惡吐血數升脉沉數細者死浮焱如

疾者生

脉大段如此亦不可泥 卒然吐血多者多係中惡莫作吐血治

尸厥 陰陽逆也其狀如死猶微有息而不恒脉尚動而形無知也脉沉大而滑身温而汗此為入腑氣復自愈若唇青身冷此為入臟即死

鬼擊 謂鬼厲之氣擊著於人也得之無漸如人以刀子持刺狀胸脇腹內絞急切痛不可抑按或吐血或鼻中出

血或下血一名爲鬼排重者死

卒魘 魘鬼外遊爲他邪所執欲還未得忌火照之照則

神竟遂不復入乃死若在燈光前魘者是本由明出不忌

火

三尸諸蟲 其虫與人俱生而此虫忌血能與鬼靈相通

常接引外邪爲人患害其發作之狀或沉沉默默不知所

苦而無處不惡或腹痛脹急或礫塊踊起或攣引腰脊或

精神襍錯變狀多端其病大同小異但以一方治之者故

名諸尸也

尸注 是五尸內之尸注而挾外鬼邪之氣流注身體令

人無處不惡每節氣收變輒至大惡積月累年漸就頓滯

以至於死死後復易旁人乃至滅門以其尸病注易旁人

故謂尸注

喪尸 人有年命衰弱至於喪死之處心意有所畏惡其

身內尸虫性既忌惡便更接引外邪共爲疹病其發亦心

腹刺痛脹滿氣急但逢喪處其病則發故謂之喪尸

尸氣 人有觸值死尸或臨尸其尸氣入腹內與尸虫相

接成病其發亦心腹刺痛脹滿氣急但聞尸氣則發故謂

之尸氣

諸注 謂邪氣居住人身內故名爲注又注易旁人也乃有三十六種九十九種而方皆不顯其名所載有風鬼轉生死邪氣寒熱冷蠱毒惡忤遁走濕喪哭歿食水骨血温痺勞微泄石產土飲以上諸注皆正氣虛而邪氣傳綿也與諸尸病相近

又有九種注

- 一曰風注
- 二曰寒注
- 三曰氣注
- 四曰生注
- 五曰涼注
- 六曰酒注
- 七曰食注
- 八曰水注
- 九曰尸注

瘦癘方

小金丹方 素問

辰砂 二兩 水磨雄黃 一兩 叶子雌黃 一兩 紫金 半兩 愚按以金箔同藥研之可爲細末

同入合中外固了地一尺築地實不用爐不須藥制用火二十斤煨之也七日終 常令火不絕 候冷七日取次日出合子 合子即磁確之屬 取出順日研之 順日研之謂左旋也 三日煉白沙蜜爲丸如梧子大每日望東吸日華氣一口冰水下一丸和氣咽之服十粒無瘦干也

還魂湯 金匱 救卒死客忤死

麻黃 三兩去節 一方四兩 杏仁 去皮共七十個 甘草 一兩炙千金 用桂心二兩

右三味水八升煮取三升去渣分令咽之通治諸感忤

千金方云此方主卒忤鬼擊飛尸諸奄忽氣絕復覺

或已無脉口禁拘不開去齒下湯湯入口不下者分病

入髮左右足踏肩引之藥下復增取一升須臾立甦

又方

韭根 一把 烏梅 二七 吳茱萸 半升

右三味以水一斗煮之以病人櫛內中三沸櫛浮者生

沉着死煮取三升去滓分飲之

外臺走馬湯 金匱附方 治中惡心痛腹脹大便不通并通治飛

尸鬼擊

巴豆 二枚去皮心熬 杏仁 二枚

右二味以綿纏搥令碎熱湯二合捻取自然汁飲之當

下老少量之

雄黃粉 于金 治卒中鬼擊及刀兵所傷血漏腹中不出煩

滿欲絕

雄黃一味為粉以酒服一刀圭日三服化為水

治瘟方 外臺 瘟疫轉相染着至滅門延及外人無收視者

赤小豆 鬼箭羽 鬼臼 雄黃 研 丹砂 各

兩

右五味搗末蜜丸如小豆大服一丸可與病人同牀

辟瘟殺鬼丸 外臺

虎頭骨 五兩 硃砂 一兩 鬼臼 一兩 雄黃 一兩 皂莢 一兩

雌黃 一兩 蕪荑 一兩

右七味搗篩以蠟蜜和彈丸大絳囊盛繫臂男左女右家中置屋四角月朔望夜半中庭燒一丸忌生血物

八毒赤丸 寶鑑 治鬼疰病

雄黃 礬石 硃砂 附子 泡 藜蘆 下 丹

皮 巴豆 各一兩 蜈蚣 一條 爲末蜜丸小豆大每服五

七丸冷水送下無時 礬石或作礬石

紫金錠 藕合丸 二方俱見通治

諸疸 附黃汗

素問

平人氣象論溺黃赤安卧者黃疸已食如饑者胃疸目黃者曰黃疸

金匱

跌陽脈緊而數數則為熱熱則消穀緊則為寒食即為消

脈緊而數則有熱兼有寒故用藥亦當寒熱兼顧古方可考也尺脈浮為傷腎跌陽緊為

傷脾風寒相搏食穀即眩穀氣不消胃中苦濁濁氣下流

小便不通陰被其寒熱流膀胱身體盡黃名曰穀疸額上

黑微汗出手足中熱薄暮即發膀胱急小便自利名曰女

勞疸腹如水狀不治心中懊懣而熱不能食時欲吐名曰

酒疸夫病酒黃疸必小便不利其候心中熱足下熱是

其證也酒疸心中熱欲吐者吐之愈酒疸下之久久

為黑疸目青面黑心中如噉蒜薑狀大便正黑皮膚爪之

不仁脈浮弱雖黑微黃故知之黃家從濕得之一身盡

發熱面黃肚熱熱在裏當下之黃疸之病當以十八日

為期治之十日以上瘥反劇為難治疸而渴者其疸難

治疸而不渴者其疸可治發於陰部其人必嘔陽部其人

振寒而發熱也黃汗之病兩脛自冷假令發熱此屬歷

節食已汗出又身常暮卧盜汗出者此榮氣也若汗出已

反發熱者久久其身必甲錯發熱不止者必生惡瘡若身

重汗出已輒輕者久久必身瞶瞶即胸中痛又從腰以下

必汗出下無汗腰腹弛痛如有物在皮中狀劇者不能食身疼痛煩燥小便不利此為黃汗

病源

黃病黃病者一身盡疼發熱面色洞黃七八日後壯熱口裏有血當下之法如狗肝狀其人少腹內急若其人眼睛溼疼鼻骨疼兩膊及項強腰背急即是患黃多大便溼但令得小便快即不慮死不用大便多多即心腹脹不存此由寒濕在表則熱蓄於脾胃腠理不開痰熱與宿穀相搏煩鬱不消則大小便不通故身體面目皆變黃也利小便為便

治黃總訣

急黃脾黃有熱穀氣鬱蒸因為熱毒所加故猝然發黃心滿氣喘命在頃刻故云急黃也

勞黃脾臟中風風與痰熱相搏故令身體發黃額上黑微汗出手足中熱薄暮發膀胱急四肢煩小便自利名為勞黃

腦黃熱邪在骨髓腦為髓海故熱氣從骨髓流入于腦則身體發黃頭痛眉疼

陰黃陽氣伏陰氣盛熱毒加之故但身面色黃頭痛而

不發熱名爲陰黃

癖黃 氣水飲停滯結聚成癖因熱氣相搏則鬱蒸不散故脇下滿痛而身發黃名爲癖黃

噤黃 心脾有瘀熱心主於舌脾之絡脉出於舌下若身面發黃舌下大脉起青黑色舌噤不能語名爲噤黃

五色黃 凡人著五種黃其人冥漠不知東西者看其左手脉名手肝脉兩筋中其脉如有如無又看近手屈肘前臂上當有三岐脉中央者名爲手肝脉兩廂者各岐脉看時若肝脉全無兩廂壞其人九死一生若中央脉近掌三

指道有如不絕其人必不死

酒疸 虛勞之人飲酒多進穀少則胃内生熱因大醉當風入水則身目發黃心中懊痛足脛滿小便黃面發赤斑穀疸 穀疸之狀食畢頭眩心忪佛鬱不安而發黃由失飢大食胃氣衝熏所致

女勞疸 其狀身目皆黃發熱惡寒小腹滿急小便難由大勞大熱而交接卽入水所致也

黑疸 黑疸之狀小腹滿身體盡黃額上反黑足下熱大便黑是也諸疸久久多變爲黑疸

黃汗之為病身體洪腫發熱汗出不渴狀如風水汗染衣
正黃如藥汁其脈自沉此由脾胃有熱汗出而入水中浴
若水入汗孔中得成黃汗也

諸疸方

茵陳蒿湯

金匱

穀疸之為病寒熱不食食即頭眩心胸不

安久久發黃為穀疸此湯主之

茵陳蒿

六兩

梔子

十四枚

大黃

二兩

右三味以水一斗先煮茵陳減六升內二味煮取三升
去滓分溫三服小便當利尿如皂角汁狀色正赤一宿

腹減黃從小便去也

消石礬石散

金匱

黃家日晡所發熱而反惡寒此為女勞

得之膀胱急少腹滿身盡黃額上黑足下熱因作黑疸
其腹脹如水狀大便必黑時澹此女勞之病非水也腹
滿者難治此方主之

消石

礬石

燒等分

右二味為散以大麥粥汁和服方寸七日三服病隨大
小便去小便正黃大便正黑是候也

梔子大黃湯

金匱

酒黃疸心中懊懣或熱痛此方主之

梔子十四枚 大黃一兩 枳實五枚 豉一升

右四味以水六升煮取二升分温三服

桂枝加黃芪湯金匱 諸病黃家但利其小便假令脉浮當

以汗解之此方主之 亦主治黃汗

桂枝 芍藥 甘草各二兩 生薑三兩 大棗十二枚 黃

芪二兩

右六味以水八升煮取三升温服一升須臾飲熱稀粥

一升餘以助藥力温覆取微汗不汗更服

猪膏髮煎金匱 諸黃主之

猪膏半斤 亂髮如雞子大三枚

右二味和膏中煎之髮消藥成分再服病從小便出

茵陳五苓散金匱 黃疸主之

茵陳膏末一錢 五苓散五分

右二味和先食飲方寸匕日三服此利小便之法

大黃消石湯金匱 黃疸腹滿小便不利而赤自汗出此為

表和裏實當下之

大黃 黃蘗 消石各四兩 梔子十五枚

右四味以水六升煮取二升去渣內消更煮取一升頓

服黃疸變腹滿者最
多此方乃下法也

麻黃醇酒湯千金治黃疸

麻黃三兩以美清酒五升煮取二升半頓服盡冬月用

酒春月用水

黃疸方千金治身目皆黃皮肉翹塵出

茵陳一把梔子二十枚石膏一斤以水五升煮二升取二

升半去渣以猛火燒石膏令赤投湯中沸定服一升覆

取汗周身以粉粉之不汗更服燒石膏之
義甚精妙

赤苓散千金主黑疸身皮大便皆黑

赤小豆三十枚茯苓六銖雄黃一銖瓜丁四銖女糞六銖

甘草二銖以水三升煮豆茯苓取八合搗四味為散和

半錢服之須臾當吐吐則愈亦主一切黃

寒水石散千金主肉疽飲少小便多白如泔色此病得之

從酒

寒水石 白石脂 栝蘂各五分知母 兔絲子

桂心各三分搗篩為散麥粥服五分七日三服五日

知十日差此方不常用
聊脩一格

女勞疸千金治黃疸之為病日晡所發熱惡寒少腹急體

黃額黑大便黑溏洩足下熱此為女勞也腹滿者難療
滑石研石膏研各五兩為散麥粥汁服方寸七日三小便
極利差

牛痘煎

千金翼

酒痘身黃翹塵出此主之

牛痘

一枚

大黃

八兩

芫花

一升

芫花

半斤

右三味以酒一升切三味漬之一宿煮減半去渣內牛
胆微火煎令可丸如豆大服一服日移六七尺不知
更服一丸膈上吐膈下痢或不吐痢而愈

救急三十種黃方

外臺

用雞子一顆并殼燒灰研酢一合又溫之總和頓服身
體眼暗極黃者不過三顆鼻中虫出神效

療黃疽方

外臺

取生小麥苗搗絞取汁飲六七合晝夜三四飲三四日
便愈無小麥苗穰麥苗亦得

近效瓜蒂散

外臺

療黃疽

瓜蒂

二七枚

赤小豆

七枚

生秫米

二七枚

丁香

二七枚

右四味搗篩重者取如大豆二枚各着一枚鼻孔中痛
縮鼻須臾鼻中瀝清黃水或從口中出升餘則愈病輕

者小豆大則可不愈間日復頻用效或使人以竹筒
力吹鼻中無不死者嗅鼻出黃水唐以前即有此法或用束腰葫蘆內白膜研細加麝少

許吹鼻亦能出水

麻黃連軹赤小豆湯傷寒論治傷寒瘀熱在裏身必發黃此

主之

麻黃二兩去節連軹二兩赤小豆一升杏仁四十粒甘草二兩

生梓白皮一升生薑二兩大棗十二枚

右以潦一斗先煮麻黃去沫內諸藥煮取三升分溫三

服此方治傷寒餘邪未盡之黃與諸症微別

黃芪芍藥桂枝苦酒湯金匱黃汗之為病身體腫發熱汗

出而渴狀如風水汗沾衣色正黃如藥汁脉自沉以汗

出入水中浴水從汗孔入得之此湯主之

黃芪五兩芍藥三兩桂枝三兩

右三味以苦酒一升水七升相和煮取三升溫服一升

當心煩服至六七日乃解若心煩不止者以苦酒阻故

也一方以美生醃代苦酒此病在表不在裏

金匱等書治疸病之方最多然用之或效或不效非若他症之每發必中者何也蓋疸之重者有囊在腹中包裏黃水藥不能入非決破其囊或提其黃水出淨必不除根此等病當求屢試屢驗和平輕淡之單方治之專

恃古方竟有全然不確者

小建中湯

見通治

瓜蒂湯

方見賜門

情志卧夢

靈素

靈大惑論五臟六腑之精氣皆上注於目而為之精精之窠為眼骨之精為瞳子筋之精為黑眼血之精為絡其窠氣之精為白眼肌肉之精為約束裹擷筋骨血氣之精而與脉并為系上屬於腦後出於項中故邪中於項因逢其身之虛其入深則隨眼系以入於腦則腦轉腦轉則引目

系急目系急則目眩以轉矣邪同其精其精所中不相比也則精散精散則視岐視岐見兩物目者五臟六腑之精也管衛翳冕之所常營神氣之所生也故神勞則翳冕散志意亂是故瞳子黑眼法於陰白眼赤脉法於陽也故陰陽合傳而精明也目者心使也心者神之舍也故精神亂而不轉卒然見非常處精神翳冕散不相得故曰惑也素舉痛論帝曰余知百病生於氣也怒則氣上喜則氣緩悲則氣消恐則氣下寒則氣收炅則氣泄驚則氣亂勞則氣耗思則氣結 陰陽氣象大論東方生風在聲為呼在

變動為握在志為怒。怒傷肝。悲勝怒。所勝即五行生剋之理南方生熱在聲為笑。在變動為憂。在志為喜。喜傷心。恐勝喜。中央生濕在聲為歌。在變動為噦。在志為思。思傷脾。怒勝思。西方生燥在聲為哭。在變動為欬。在志為憂。憂傷肺。喜勝憂。北方生寒在聲為呻。在變動為慄。在志為恐。恐傷腎。思勝恐。調經論神有餘則笑不休。神不足則悲。血有餘則怒不足則恐。血并於陰氣并於陽。故為驚狂。血并於陽氣并於陰。乃為臆。中血并於上。氣并於下。心煩惋。善怒。血并於下。氣并於上。亂而善忘。以上情志

不卧多卧。靈邪客篇黃帝問於伯高曰。夫邪氣之客人也。或令人目不瞑。不卧出者。何氣使然。伯高曰。五穀入於胃也。其糟粕津液宗氣分為三隧。故宗氣積於胸中。出於喉嚨。以貫心脉。而行呼吸焉。榮氣者。泌其津液。注之於脉。化以為血。以榮四末。內注五臟六腑。以應刻數焉。衛氣者。出其悍氣之慄疾。而先行於四末。分肉皮膚之間。而不休者也。晝日行於陽。夜行於陰。常從足少陰之分間行於五臟六腑。今厥氣客於五臟六腑。則衛氣獨衛其外。行於陽。不得入於陰。行於陽。則陽氣盛。陽氣盛則陽蹠陷。不得入。

於陰陰虛故目不瞑黃帝曰善治之奈何伯高曰補其不足瀉其有餘調其虛實以通其道而去其邪飲以半夏湯一劑陰陽已通其卧立至 大惑論黃帝曰人之多卧者何氣使然岐伯曰此人腸胃大而皮膚濕而分肉不解焉

善食人多善卧往往如此

黃帝曰卒然多卧者何氣使然岐伯曰邪氣留於上焦上焦閉而不通已食若飲湯衛氣留久於陰而不行故卒然多卧焉

不夜瞑不晝瞑 靈營衛生會篇黃帝曰老人之不夜瞑者何氣使然少壯之人不晝瞑者何氣使然岐伯答曰壯

者之氣血盛其肌肉滑氣道通榮衛之行不失其常故晝精而夜瞑老者之氣血衰其肌肉枯氣道滯五臟之氣相搏其榮氣衰少而衛氣內伐故晝不精夜不瞑 寒熱病篇陽氣盛則瞑目陰氣盛則瞑目

不得卧 素逆調論不得卧而息有音者是陽明之逆也足三陽者下行今逆而上行故息有音也陽明者胃脉也胃者六腑之海其氣亦下行陽明逆不得從其道故不得卧也下經曰胃不和則卧不安此之謂也夫起居如故而息有音者此肺之絡脉逆也絡脉不得隨經上下故留經

而不行絡脉之病人也。微故起居如故而息有音也。夫不得卧卧則喘者，是水氣之客也。夫水者循津液而流也。腎者水臟，主津液，主卧與喘也。以上卧按風邪入於陰經亦多卧
靈淫邪發，夢篇陰氣盛則夢涉大水而恐懼，陽盛則夢大火燔灼，陰陽俱盛則夢相殺上盛則夢飛下盛則夢墮甚。飢則夢取甚飽則夢予，肝氣盛則夢怒，肺氣盛則夢恐懼哭泣飛揚，心氣盛則夢喜笑，恐畏脾氣盛則夢歌樂，身體重不舉，腎氣盛則夢腰脊兩解不屬。
素脉要精微論短虫多則夢聚，衆長虫多則夢相擊毀傷。

以上

情志卧夢方

半夏秫米湯 靈樞 以流水千里以外者八升，揚之萬遍，取其清五升，煮之炊以葦薪，火沸置秫米一升，治半夏五合，徐炊令竭為一升，半去其滓，飲汁一小杯，日三稍增，以知為度。故其病新發者覆杯則卧，汗出則已矣。久者三飲而已也。漢時一斗僅今二升，余親見古銅量一枚較準如此
半夏麻黃丸 金匱 心下悸者此主之

半夏 麻黃 等分

右二味末之煉蜜丸小豆大飲服三九日三此治飲在

桂枝救逆湯金匱火邪者主之

桂枝三兩甘草二兩生薑三兩牡蠣五兩龍骨四兩蜀

漆三兩洗去腿大棗十二枚

右七味末之以水一斗二升先煮蜀漆減二升內諸藥

煮取三升去滓溫服

黃連阿膠湯傷寒論治少陰病心中煩不得卧

黃連四兩黃芩一兩芍藥二兩阿膠三兩雞子黃二枚

右五味以水六升先煮三物取二升去滓內阿膠烱盡

少冷內雞子黃攪和溫服七合此治腎氣沖心之不得

酸棗仁湯金匱治虛勞虛煩不得眠

酸棗仁二升甘草一兩知母一兩茯苓一兩川芎各二兩

右五味以水八升先煮棗仁取六升內諸藥煮取三升

分溫三服同一心煩不眠而用藥迥別何醫者之多不

溫胆湯千金治大病後虛煩不得眠此胆寒故也宜服

半夏 竹茹 枳實各二兩橘皮三兩生薑四兩甘

草一兩

右六味以水八升煮取二升分三服又一不眠之

高麗車輪臥夢

味生薑已足散胆中之寒庸醫則必以熱藥
温胆須知胆為清虛之腑無用熱補之理也

治多忘 千金

菖蒲 二分 茯苓 茯神 人參 各五分 遠志 七分

右五味治下篩酒服方寸七日二夜一五日後知神良

枕中方 千金 治好忘

龜甲 炙 龍骨 遠志 去心 菖蒲 等分

右四味治下篩酒服方寸七日三常服令人大聰

鎮心省睡益智方 千金

遠志 五十兩 益智子 菖蒲 各八兩

右三味為末以淳糯米酒服方寸七一百日有效秘不

令人知

療虛煩不可攻方 外臺

青竹茹 二升 以水四升煮取三升去滓分温五服

梔子豉湯 見傷寒 補心丸 天王補心丹 道藏 鎮心丸 以上

三方俱見通治

五竅病 耳目鼻口齒

靈樞

靈脉度篇五臟不和則七竅不通

高麗車輪五竅

靈素

靈。厥。氣。篇。精。脫。者。耳。聾。液。脫。者。耳。數。鳴。

素。繆。刺。論。邪。客。於。手。陽。明。之。絡。令。人。耳。聾。時。不。聞。音。刺。手。

大。指。次。指。爪。甲。上。去。端。如。韭。葉。許。各。一。疔。立。聞。不。已。刺。中。

指。爪。甲。上。與。肉。交。者。立。聞。其。不。時。聞。者。不。可。刺。也。此。乃。邪。氣。入。絡。

卒。然。所。得。之。症。故。可。刺。耳。聾。刺。手。陽。明。不。已。刺。其。通。脈。出。耳。前。者。

病源

耳。聾。聾。耳。津。液。為。風。熱。所。乘。結。鞞。成。丸。塞。耳。

耳方

補腎治五聾方

千金翼

治勞聾氣聾風聾虛聾毒聾如此久

聾耳中作聲

草麻仁 五分

杏仁

去皮

桃仁

去皮

蠟

八分

菖蒲

磁

石 各一兩

巴豆仁

一分去皮心熬

石鹽

三分

附子

泡

通草

各半兩

薰陸香 一分

松脂

二兩半

右十二味先搗諸草石等令細別搗諸仁如脂加松脂及蠟合搗數千杵可丸乃止取如棗核大綿裹塞耳一日四五度出之轉捻不過三四度日一易之

菴蓉丸 濟生 治腎虛耳聾或風邪入於經絡耳內虛鳴

肉菴蓉

山萸肉

石龍芮

一名胡椒菜

石菖蒲

兔絲子

羌活

鹿茸

石斛

磁石

附子

各一兩

全蝎

七個

麝香

半字旋入

右為末煉蜜丸梧子大每服百丸空心酒下或鹽湯下

麝香佛手散

奇效

治五般耳出血水者

麝香

少許

人牙

煨過存性出火毒以人牙換石首魚齒亦良

右為細末每用少許吹耳內即乾及治小兒痘瘡出現

壓者酒調一字服之即出

磁石猪腎羹

養老書

治老人久患耳聾養腎臟強骨氣

磁石

一斤杵碎水淘去赤汁綿裹

猪腎

一對去脂膜細切

右以水五升煮磁石取二升去磁石投腎調和以葱豉

薑椒作羹空腹食之作粥及入酒並得

通耳法

濟生

磁石

用緊者如豆大一塊

穿山甲

燒存性為末一字

右用新綿紙裹了塞耳口中銜少許鐵覺耳內如風雨

即愈一方用班毛一箇巴豆一粒研細綿裹塞耳痛取

出

按此症如有火者服清火藥腎虛者服補腎藥隨症施治無定方也

目

靈素

靈論疾診尺篇診目痛赤脉從上下者太陽病從下上者陽明病從外走者少陽病 决氣篇氣脫者目不明 素解精微論夫風之中目也陽氣內守於精是火氣燔目故見風則泣下也

目方

七寶散 千金翼

主目腎經年不愈方

琥珀

珠子

珊瑚

决明子

紫貝

石胆

馬珂 各一分

硃砂 二分

麩仁 五錢

右爲細末傅目中如小豆大日三大良

去腎方 千金翼

貝子 十枚

燒灰

爲末取如胡豆着腎上日再正仰卧令人傅

之如炊一石米久乃拭之有息肉者加珍珠如貝子等

分研如粉

補肝丸 千金翼

主明目

地膚子

藍子

蒺藜子

車前子

瓜子

兔絲子

菟蔚子

各二兩

黃連

一兩

青箱子

一合

分

大黃

二兩

決明子

細辛

螢火虫

各五合

桂心

五

右十四味搗篩煉蜜和丸飲服如桐子大下十五丸可

加至二十九慎生冷油蒜等物眼暗神方也

磁味丸

倪微德原機啟微集

治神水寬大漸散昏如霧露中行漸觀

空中有黑花觀物成二體及內障神水淡綠色淡白色

及治耳鳴及聾

磁石

二兩

辰砂

一兩

神麴

三兩

生

右三味更以一兩水和作餅煮浮入前藥煉蜜丸每服十九丸加至三十九丸空心米湯下

石斛夜光丸

治神水寬大漸散昏如霧露空中有黑

花觀物成二神水淡綠淡白色者

天門冬

二兩

兔絲子

七錢

人參

茯苓

各二兩

甘菊

山藥

枸杞

石斛

杏仁

各七錢

草決明

八

錢

麥冬

熟地

生地

各一兩

肉蓯蓉

青箱子

羚羊角

鎊

蒺藜

川芎

甘草

炙

黃連

防風

枳殼

烏犀

鎊各五錢

牛膝

七錢半

右二十四味為細末煉蜜丸如桐子大每服二十五丸

溫酒鹽湯送下 眼科藥不外此諸味

羚羊角散 局方 治風熱毒上衝眼目暴發赤腫或生瘡疼

富隱溼羞明

羚羊角 銹 車前子 甘草 黃芩 川升麻

各二兩 決明子 二十枚 草龍胆 去蘆 山梔仁 各五兩

右為細末每服一錢食後溫熟水調下日進三服小兒可服五分

蟬花散 局方 治肝經蘊熱風毒上攻眼目翳膜遮睛赤腫

疼痛昏暗視物不明隱澁難開多生眵淚內外障眼

草決明 炒 甘菊花 川芎 不見火 蟬退 洗去土 山梔子

穀精草 防風 不見火 黃芩 去土 蔓荆子 木

賊草 羌活 不見火 荆芥 蜜蒙花 白蒺藜 炒去

刺甘草 各等分

右為末每服二錢用茶清調服或用荆芥湯入茶少許調服亦得食後及臨卧時服 此去翳通治方

洗眼藥 養老書

胆礬 一兩煨令白 滑石 一兩研 秦皮 半兩 膩粉 二錢

去火毒用

右四味每用一字湯泡候温閉目洗兩眥頭以冷為度

胆礬入目極痛眼用頗宜

按五竅之病惟目病最多所以另有專科此集畧述內治數方以備揀取至於全體治法則當廣求眼科諸書而探討之風火時眼煎方即於丸散中擇對症之藥酌用可也

鼻

靈素

靈憂患無言篇人之鼻洞涕出不收者頰頰不開分氣失也

素五臟別篇五氣入鼻藏于心肺心肺有病而鼻為之不

利也

辛頰鼻淵

素氣厥論胆移熱於腦則辛頰鼻淵鼻淵者

濁涕下不止也傳為蚘蟻瞑目蚘血汗也故得之氣厥也

鼻方

通草散

千金翼

治鼻中息肉

通草

半兩

礬石

一兩

真珠

一銖

右三味下篩搥綿如棗核取藥如小豆着綿頭內鼻中

日三次

真珠能去一切息肉

翫鼻方

千金翼

治鼻中息肉不得息

翫鼻方

千金翼

卷七

疾

礬石 燒

藜蘆 各半

瓜蒂 二七

附子 半兩

泡

右四味各搗下篩合和以竹管取藥如小豆大內孔中

吹之以綿絮塞鼻中日再以愈為度 吹不
如吸

消鼻痔方

苦丁香

甘遂 各二錢

青黛

草烏尖

半分

右為細末麻油搜令硬不可爛旋丸如鼻孔大小用藥

納鼻內令至痔肉上每日一次

凌霄花散

百一選方 治酒齆鼻

凌霄花

山梔 等分

右為末每服二錢食後茶湯調下

蒼耳散

治鼻流涕不止名曰鼻淵

辛夷仁 半兩

蒼耳子 炒二錢半

香白芷 一兩

薄荷 五分

右為末每服二錢用葱茶湯食後調服

治鼻淵方

本方

山梔子

不拘多少
燒存性

末之搐入鼻中立愈

又方

藿香為末用猪胆汁或牛胆汁丸每服一錢

按鼻病惟鼻淵最重當博求效方不得徒恃外治法也

又方

絲瓜連根處藤炙為末酒服此治鼻中有虫者

鼻中瘰肉

礞砂 雄黃 巴豆炭 製信 提硝

珠 冰片 礪砂 苦丁香 以上俱可選用

耳痔及諸瘰肉皆同

口齒

靈素

口苦 靈邪氣臟腑病形論胆病者善太息口苦嘔宿汁

心下澹澹恐人將捕之噤中吟吟然數唾

齒痛 靈襍病篇齒痛不惡清飲取足陽明惡清飲取手

陽明

重舌 靈終始篇重舌刺舌柱以披針也

瘖 靈憂悲無言篇人卒然無音者寒氣客於厭則厭不

能發發不能下至其開閣不致故無音 肝脉驚暴有所

驚駭脉不至若瘖不治自已驚駭而瘖者與有娠之瘖皆不必治

口糜 素氣厥論膀胱移熱于小腸而腸不便上為口糜

齒寒 素繆刺論邪客於足陽明之經令人齕衄上齒寒

病源

齒寒者 睡眠而齒相磨切也此由血氣虛風邪客於牙
車筋脉之間故因睡眠氣息喘而邪動引其筋脉故上下
齒相磨切有聲謂之齕齒

滯頤 脾冷不能收攝涎漬於頤也

口甘方

口甘方 素問 有病口甘者此五氣之溢也名曰脾痺夫五
味入口藏於胃脾為之行其精氣津液在脾故令口甘

也此肥美之所發也此人必數食甘美而多肥者

者令人內熱甘者令人中滿故其氣上溢轉為消渴治

之以蘭除陳氣也 蘭草性味甘寒能利水道辟不祥除
胸中痰癖其氣清香能生津止渴潤

肌肉故可除陳
積蓄熱之氣

口苦方 素問 有病口苦者病名曰瘵夫肝者中之將也取

決于胆咽為之使此人者數謀慮不決故胆虛氣上溢

而口為之苦治之以胆募俞 數謀慮不決肝胆俱勞勞
則必虛虛則氣不固故胆

氣上溢而口苦胆募在肋本經之日月也胆俞在背足
太陽之穴也經又云口苦取陽陵泉亦胆經之穴在委
中之
外廉

療口瘡 千金 治口瘡久不差入胸中並生瘡三年已上不
瘥者

濃煎薔薇根汁含之又稍稍咽之日三夜一冬用根夏
用莖葉 冬青葉湯亦可漱

推頰車法 千金 治失欠頰車蹉開張不合

一人以手指牽其頰以漸推之則復入矣推當疾出其
指恐誤嚙傷人指也 外塗南星末

口氣鼻穢方 千金

常以月旦日未出時從東壁取步七步回頭向垣立含

水嚙壁七遍口即美香 此各禁法

口中臭方 千金

細辛豆蔻含之甚良

口香去臭方 千金

井花水三升漱口吐廁中良

治緊唇方 千金

取蛇皮拭淨燒為灰敷之

又方

炙虎口男左女右

塗唇方 千金 治唇黑腫痛癢不可忍

燒亂髮及蜂房六畜毛作灰猪脂和敷之亦治藩唇

刺舌法 千金 治舌卒腫滿口溢如吹猪胞氣息不得通須

與不治殺人

刺舌兩邊大脉血出勿使刺着舌下中央脉血出不止

殺人如上治不愈或血出數升則燒鐵篋令赤熨瘡數

過以絕血也

療舌腫方 千金 治舌腫起如猪胞

釜下墨末以酢厚傅舌上下脫去更傅須與即消若先

决出血汁竟傅之彌佳凡此患人皆不識或錯治益因

殺人甚急但看其舌下自有噤虫形狀或如螻蛄或如

蚕子細看之有頭尾其頭少白燒銕釘烙頭上使熱即

自消

療舌腫方 千金 治舌上黑有數方大如筋出血如湧泉此

心臟病

戎鹽 黄芩 黄柏 大黃 各五兩 人參 桂

心 甘草 各二兩

右七味蜜丸梧子大以飲服十九日三亦燒銕篋烙之

療重舌 千金 并治舌上生瘡涎出

以蒲黃末傅之不過三度差

療舌脹方 千金

用雄雞冠血盞盛浸舌咽下即縮

療舌腫脹 本事方 治心脾壅熱生木舌腫脹

元參 升麻 大黃 犀角 甘草 各等分

右為細末每服三錢水一盞煎至五分溫服不拘時

治失音 養老書

皂角 一挺刮去黑皮并子 蘿蔔 一個切作片

右以水二碗同煎至半碗服之不過三服便語喚却

藷更妙 此方乃去喉間之痰涎也

療馬喉痺 千金 治喉痺深腫之類吐氣數者名馬喉痺

馬鞭草根一握 一名杜牛膝 勿中風截去兩頭搗取汁服之

琥珀犀角膏 治咽喉

真琥珀 研 犀角 屑生用各一錢 棗仁 茯苓

辰砂 研各二錢 片腦 研一錢

右為末研勻蜜為膏以磁器收貯候其疾作每服一彈子大以麥冬濃煎湯化下一日連進五服 此治陰火上炎之喉痛

喉腫刺法千金治咽痛不得息若毒氣硬咽毒攻咽喉

刺手小指爪文中出血即愈逐左右刺出血神秘立愈

一法刺兩手少商穴出血其穴在大指內廉去爪甲如

韭葉

口旁惡瘡方千金

亂髮灰 故絮灰 黃連末 乾薑末等分

右四味合和為散以粉瘡上不過三遍

治黥鬻烏鬻令面潔白

馬珂二兩 白附子 鷹屎白 珊瑚各兩

右四味研成粉和勻用人乳調每夜取傅面明旦溫漿水洗之

又方千金

李子仁為末和雞子白傅一宿即落 一方用白附子

末酒和傅之即落

止牙痛方

蟾酥七分 硃砂 雄黃各三分 甘草一分

右研極細以飛麴為丸如菜子大絲綿裹包塞在痛處

治牙痛仙方

以羊前蹄膝合盤骨以酥塗炙黃為末入細辛末一錢
雄黃末五分共三味研極細末擦患處立愈

治牙疼方 千金翼

蒼耳子 五升

右一味以水一斗煮取五升熱含之疼則吐吐復含不
過三劑愈無子莖葉皆得用之

如神散 局方 治風牙疰牙攻疰疼痛牙齦動搖連頰浮腫

露蜂房 微炙 川椒 去目及閉口
微炒出汗

右為末每用一錢水一盞入鹽少許同煎八分乘熱漱

之冷即吐一服立效 二味炙灰為末擦亦效

細辛散 局方 治風疰牙疼牙齦宣爛牙齒搖動腮頰浮腫

紅椒 確砂 去殼 鶴蝮 牙皂 草撥 各半兩 荆

芥 細辛 各兩 白芷 川烏 各二兩

右為細末每用少許於痛處擦之有涎吐出不得咽少
時用溫水漱口頻頻擦之立有神效 治風寒牙疼之症

按牙疼有數種寒熱風火虛治各不同非對症則不
愈故有效有不效至於猴痺一症病變各殊此屬外科
病變無窮茲偶錄一二方未及萬一
若欲專治此症非廣求博議不可

雜病

靈素

靈口問篇黃帝曰人之欠者何氣使然岐伯荅曰衛氣晝日行於陽夜半則行於陰陰者主夜夜者卧陽者主上陰者主下故陰氣積於下陽氣未盡陽引而上陰引而下陰陽相引故數欠陽氣盡陰氣盛則目瞑陰氣盡而陽氣盛則寤矣 黃帝曰人之噦者乾嘔為噦或云即噁氣何氣使然岐伯曰穀入於胃胃氣上注於肺今有故寒氣與新穀氣俱還入於胃新故相亂真邪相攻氣并相逆復出於胃故為噦 黃帝曰人之唏者何氣使然岐伯曰此陰氣盛而陽氣

虛陰氣疾而陽氣徐陰氣盛而陽氣絕故為唏 黃帝曰

人之振寒者何氣使然岐伯曰寒氣客於皮膚陰氣盛陽

氣虛故為振寒寒慄 黃帝曰人之噫者噫呃逆也何氣使然

岐伯曰寒氣客於胃厥逆從上下散復出於胃故為噫

黃帝曰人之噎者何氣使然岐伯曰陽氣和利滿於心出

於鼻故為噎 黃帝曰人之嘔者何氣使然岐伯曰胃不

實則諸脉虛諸脉虛則筋脉懈惰筋脉懈惰則行陰用力

氣不能復故為嘔 黃帝曰人之哀而泣涕出者何氣使

然岐伯曰心者五臟六腑之主也目者宗脉之所聚也上

液之道也。口鼻者氣之門戶也。故悲哀愁憂則心動。心動則五臟六腑皆搖搖。則宗脈感。宗脈感則液道開。液道開故泣涕出焉。液者所以灌精濡空竅者也。故上液之道開則泣泣不止則液竭。液竭則精不灌。精不灌則目無所見矣。黃帝曰：人之太息者何氣使然？岐伯曰：憂思則心係急，心係急則氣道約，約則不利，故太息以伸出之。黃帝曰：人之涎下者何氣使然？岐伯曰：飲食者皆入於胃，胃中有熱則虫動，虫動則胃緩，胃緩則廉泉開，故涎下。黃帝曰：人之耳中鳴者何氣使然？岐伯曰：耳者宗脈之所聚也。

故胃中空則宗脈虛，虛則下溜，脈有所竭者故耳鳴。黃帝曰：人之自齧舌者何氣使然？此厥逆走上，脈氣輩至也。少陰氣至則齧舌，少陽氣至則齧頰，陽明氣至則齧唇矣。凡此十二邪者皆奇邪之走空竅者也。故邪之所在皆為不足。經氣為邪所據則正氣不能復歸故為不足當引本能禦邪此指針法言之庸醫不知竟用補藥于邪氣所留之經則是補任其邪矣害忍言哉故上氣不足腦為之不滿，耳為之苦鳴，頭為之苦傾，目為之眩，中氣不足溲便為之變，腸為之苦鳴，下氣不足則乃為痿厥心惋。五味篇酸走筋，多食之令人癢，鹹走血，多食之令人

渴辛走氣多食之令人洞心苦走骨多食之令人變嘔甘
 走肉多食之令人悶心 師傳篇岐伯曰入國問俗入家
 問諱上堂問禮臨病人問所便此句為萬世辨症之秘訣 黃帝曰便病
 人奈何岐伯曰夫中熱消痺則便寒寒中之屬則便熱胃
 中熱則消穀令人懸心善飢臍以上皮熱腸中熱則出黃
 如糜臍以下皮寒接寒字當作熱字 胃中寒則腹脹腸中寒則腸
 鳴飧泄凡脹滿宜溫藥飧泄亦同 胃中寒腸中熱則脹而且泄胃中熱
 腸中寒則疾飢小腹痛脹 黃帝曰胃欲寒飲腸欲熱飲
 百病始生篇陽絡傷則血外溢血外溢則衄血陰絡傷

則血內溢血內溢則後血腸胃之絡傷則血溢於腸外腸
 外有寒汁沫與血相搏則并合凝聚不得散而積成矣
 邪客篇黃帝問於岐伯曰人有八虛各何以候岐伯荅曰
 以候五臟黃帝曰候之奈何岐伯曰肺心有邪其氣留於
 兩肘肝有邪其氣留於兩腋脾有邪其氣留於兩髀腎有
 邪其氣留於兩膕凡此八虛者皆機關之室真氣之所過
 血絡之所遊邪氣惡血固不得住留住則傷筋絡骨節
 機關不得屈伸故痠痺也 大惑篇黃帝曰人之善飢而
 不嗜食者何氣使然岐伯曰精氣並於脾熱氣留於胃胃

熱則消穀穀消故善飢胃氣逆上則胃脘寒故不嗜食
宣明五氣論五味所入酸入肝辛入肺苦入心鹹入腎甘
入脾是謂五入五氣所病心爲噫肺爲欬肝爲語脾爲吞
腎爲欠爲噎胃爲噦逆爲噦爲恐大腸小腸爲泄下焦溢
爲水膀胱不利爲癰不納爲遺溺胆爲怒是爲五病五精
所并精氣并於心則喜并於肺則悲并於肝則憂并於脾
則畏并於腎則恐是爲五并虛而相并者也五臟所惡心
惡熱肺惡寒肝惡風脾惡濕腎惡燥是爲五惡五臟化液
心爲汗肺爲涕肝爲淚脾爲涎腎爲唾是爲五液五味所

禁辛走氣氣病無多食辛鹹走血血病無多食鹹苦走骨
骨病無多食苦甘走肉肉病無多食甘酸走筋筋病無多
食酸是爲五禁無令多食五病所發陰病發於骨陽病發
於血陰病發於肉陽病發於冬陰病發於夏是爲五發五
邪所亂邪入於陽則狂邪入於陰則痺搏陽則爲癰疾搏
陰則爲瘖陽入之陰則靜陰出之陽則怒是爲五亂五邪
所見春得秋脉夏得冬脉長夏得春脉秋得夏脉冬得長
夏脉名曰陰出之陽病善怒不治是謂五邪皆同命死不
治五臟所藏心藏神肺藏魄肝藏魂脾藏意腎藏志是爲

五臟所藏五臟所主。心主脉，肺主皮，肝主筋，脾主肉，腎主骨。是謂五主。五勞所傷，久視傷血，久卧傷氣，久坐傷肉，久立傷骨，久行傷筋。是謂五勞所傷。五脉應象：肝脉弦，心脉鉤，脾脉代，肺脉毛，腎脉石。是謂五臟之脉。至真要大論大要曰：君一臣二，奇之制也；君二臣四，偶之制也；君三臣六，偶之制也。故曰：近者奇之，遠者偶之。汗者不以奇，下者不以偶。補上治上，制以緩，補下治下，制以急急。則氣味厚，緩則氣味薄。適其至所，此之謂也。是故平氣之道，近而奇，偶制小；其服也遠而奇，偶至大；其服

也大則數少，小則數多。多則九之少，則二之奇之不去，則偶之是謂重方。偶之不去，則反佐以取之。所謂寒熱溫涼反從其病也。岐伯曰：辛甘發散為陽，酸苦涌泄為陰。鹹味涌泄為陰，淡味滲泄為陽。六者或收或散，或緩或急，或燥或潤，或奠或堅，以所利而行之，調其氣使其平也。岐伯曰：有毒無毒，所治無主，適大小為制也。帝曰：請言其制。岐伯曰：君一臣二，制之小也；君一臣三，佐五，制之中也；君一臣三，佐九，制之大也。寒者熱之，熱者寒之，微者逆之，甚者從之。堅者削之，客者除之，勞者溫之，結者散之，留者攻

之燥者濡之。急者緩之。散者收之。損者益之。逸者行之。驚者平之。上之下之。摩之浴之。薄之劫之。開之發之。適事爲故。帝曰：反治何謂？岐伯曰：熱因寒，用寒因熱，用塞因塞，用通因通，用必伏其所主，而先其所因。其始則同，其終則異。可使破積，可使潰堅，可使氣和，可使必已。岐伯曰：主病之謂君，佐君之謂臣，應臣之謂使，非上下三品之謂也。岐伯曰：諸寒之而熱者，取之陰熱之而寒者，取之陽，所謂求其屬也。帝曰：善。服寒而反熱，服熱而反寒，其故何也？岐伯曰：治其王氣，是以反也。五味入胃，各歸所喜，攻酸

先入肝，苦先入心，甘先入脾，辛先入肺，鹹先入腎。久而增氣，物化之常也。氣增而久，天之由也。陰陽應象大論：因其輕而揚之，因其重而減之，因其衰而彰之。形不足者，溫之以氣，精不足者，補之以味。其高者，因而越之；其下者，引而竭之；中滿者，瀉之於內；其有邪者，瀉形以爲汗。五常政大論：岐伯曰：大毒治病，十去其六；常毒治病，十去其七；小毒治病，十去其八；無毒治病，十去其九。穀肉果菜，食養盡之，無使過之，傷其正也。不盡行復，如法必先。歲氣無代天和。至真要大論：帝曰：願聞病機。何如？岐伯曰：諸風掉

眩皆屬於肝。諸寒收引皆屬於腎。諸氣贖鬱皆屬於肺。諸濕腫滿皆屬於脾。諸熱瘡癰皆屬於火。諸痛痒瘡皆屬於心。諸厥固泄皆屬於下。諸痿喘嘔皆屬於上。諸禁鼓慄如喪神守皆屬於火。諸痙項強皆屬於濕。諸逆衝上皆屬於火。諸脹腹大皆屬於熱。諸燥狂越皆屬於火。諸暴強直皆屬於風。諸病有聲鼓之如鼓皆屬於熱。諸病附腫疼酸驚駭皆屬於火。諸轉反戾水液渾濁皆屬於熱。諸病水液澄澈清冷皆屬於寒。諸嘔吐酸暴注下迫皆屬於熱。生氣通天論陽因而上衛外者也。因於寒欲如轉樞起居如驚。

神氣乃浮。因於暑汗煩則喘喝。靜則多言。體若燔炭汗出而散。因於濕首如裹。濕熱不攘大筋緜短小筋弛長。緜短為拘弛長為痿。因於氣為腫。四維相代陽氣乃竭。陽氣者煩勞則張精絕辟積於夏使人煎厥。目盲不可以視耳閉不可以聽。潰潰乎若壞都汨汨乎不可止。陽氣者大怒則形氣絕而血菀於上使人薄厥。有傷於筋縱其若不容汗出偏沮使人偏枯。汗出見濕乃生痙。痙高粱之變足生大丁。受如持虛勞汗當風寒薄為鼓鬱乃痙。陽氣者精則養神柔則養筋。開闔不得寒氣從之乃生大僂。陷脈為痿留。

連肉腠俞氣化薄傳爲善畏及爲驚駭營氣不從逆於肉
理乃生癰腫鼻汗未盡形弱而氣燥穴俞以閉發爲風瘧
故風者百病之始也清靜則肉腠閉拒雖有大風苛毒弗
之能害此因時之序也 春傷於風邪氣留連乃爲洞泄
夏傷於暑秋爲痰瘧秋傷於濕上逆而欬發爲痿厥冬傷
於寒春必溫病四時之氣更傷五臟 通平虛實論黃帝
問曰何爲虛實岐伯對曰邪氣盛則實精氣奪則虛 刺
志論氣盛身寒得之傷寒氣虛身熱得之傷暑穀入多而
氣少者得之有所脫血濕居下也穀入少而氣多者邪在

胃及與肺也 玉肌真臟論黃帝曰余聞虛實以決死生
願聞其情岐伯曰五實死五虛死帝曰願聞五實五虛岐
伯曰脉盛皮熱腹脹前後不通悶脅此謂五實脉細皮寒
氣少泄痢前後飲食不入此謂五虛帝曰其時有生者何
也岐伯曰漿粥入胃泄注止則虛者活身汗得後痢則實
者活此其候也 臟氣法時論肝苦急急食甘以緩之肝
欲散急食辛以散之用辛補之酸寫之心苦緩急食酸以
收之心欲爽急食鹹以爽之用鹹補之甘寫之脾苦濕急
食苦以燥之脾欲緩急食甘以緩之用苦寫之甘補之肺

苦氣上逆急食苦以泄之肺欲收急食酸以收之用酸補之辛寫之腎苦燥急食辛以潤之開腠理致津液通氣也腎欲堅急食苦以堅之用苦補之鹹寫之夫邪之客於身也以勝相加至其所生而愈至其所不勝而甚至於所生而持自得其位而起必先定五臟之脈乃言間甚之時死生之期也毒藥攻邪五穀為養五果為助五畜為益五菜為充氣味合而服之以補精益氣以上皆辨病治病之總訣能精通其理方能識症擇方

解俠 素玉肌真臟論冬脈太過則令人解俠脊脈痛而

少氣不欲言 刺瘡論足少陽之瘡令入身體解俠寒不甚熱不甚惡見人見人心惴惴然熱多汗出甚

食亦 素氣厥論大腸移熱於胃善食而瘦又謂之食亦胃移熱於胆亦曰食亦

膈洞 靈根結篇太陰為開開折則食廩無所輸膈洞故開折者氣不足而生病 邪氣臟腑病形篇腎脈微緩為洞洞者食不化下噎還出

重強 素玉機真藏論脾脈不及則令人九竅不通名曰重強

齲齒 靈論疾診尺篇診齲齒痛按其陽之來有過者熱

在左左熱在右右熱在上上熱在上下熱 繆刺論齒齲

刺手陽明不已刺其脉入齒中者立已 手陽明之脉貫頰入於齒中故當刺

商陽穴不已則刺其痛脉之入齒中者 按甲乙經註手陽明脉商陽二間三間合谷陽谿偏歷温溜七穴主齒痛

金匱

跌蹶 其人但能前不能却刺膻入二寸此太陽經傷也

所載雜病其方俱散見於各證條內茲不復贅按病施治無遺法矣

